

# Комсомолонь Вайгяль

Сембе масторонь пролетариятне, пуромода марси

ЛИСЕНЬДИ III-це КИЗОСЬ

Мокшэрзянь ВЛКСМ-нь  
обкомть и Саранскаень  
горкомть газетасна

Адрессь: г. Саранск, ул. Ленина 9  
телефон № 1—72

20

ОКТАБРЬСТА  
1936 КИЗОНЯ  
113 (349)

Лисеньди коти 12-коти

## МАДРИДСТА

### МОСКУ

Советская Союзонь Коммунистической  
Партиять Центральной Комитетонцты  
и сонь великай вожденцты кельгома  
СТАЛИН ялгати

Испаниянь народть лемста, конац пня малантомсь социа-  
лизмать отечествац мархта, Испаниянь Коммунистической Пар-  
тиять Центральной Комитетонц, конань членонза сражандашнихть  
важоньце ридтнень эса мятежнай генералхнень и фашистхнень  
наршео, конатхнень (генералхнень и фашистхнень—РЕД.) широ-  
нон кирьнесы международнай фашизмась,—азонды приветствил  
Советонь Союзонь Коммунистической Партиять Центральной Коми-  
тетонцты и сембедонга пня великай Сталин ялгати, международ-  
най пролетариатть кельгома вожденцты, СССР-са социализмась  
строительствать руководителенцты и миронь пламенной защит-  
ники.

Испаниянь народсь вишне тюремась, кона моли тя пиньго,  
маршот эсь пряц СССР-нь народтнень солидарностьсон мархта  
подкрепленнаста и обещандашних аф лотнафнемс фявон мину  
тао тюремать оя пиньго, мзяро аф машфыц (добыт) минь стра-  
наонон фашизмась, тивомк тянон мархта нөмө удар междуна-  
роднай фашизматы.

Минь народоньке, кона максесы эсь эряфонц фашизмась  
наршео тюремаса, йорай, штоба тинь содаловсь, што тинь  
братонь лезксоньтне непедезэ сонь энтузиазманц, максось од  
энергия боевчненьди и немектазэ победати сонь европанданц.  
ИСПАНИЯНЬ КОММУНИСТИЧЕСКАЯ ПАРТИЯ  
ЦЕНТРАЛЬНАЯ КОМИТЕТОЦ.

— 000 —

## МАДРИДУ

Испаниянь Коммунистической Партиять  
Центральной Комитетонцты.—  
ХОЗЕ ДИАС ялгати

Советская Союзонь трудяйхне пшкочнесазь аныцек  
эсь долгон, максесомк посилая лезкс Испаниянь  
революционной массанзонды. Синь максихть эстиет  
отчет, што Испаниянь фашистской реакционерхнень  
люштамасон алда освобожденияц аф ащи испанецхнень  
честнай тевке, а—сембе передовой и прогрессивнай чело-  
вечествовать марстонь тевон.

Братская паравал!

И. СТАЛИН.

— 000 —

## ГЕРОИЧЕСКАЯ ИСПАНИЯНЬ ИДЬТНЕНЬДИ И АВАТНЕНЬДИ ЛЕЗКСОНЬ ФОНДТИ

Саранскаень ошень советь  
финансовай секциянц заседа-  
ниясонза секциянч членц  
Прасковья Ионовна Магниц-  
кая ялгась азондозе Моску-  
зонь Трехгоркань работницат-  
нень предложениасон Исп-  
аниянь идьтненьди и аватнень-  
ди лезксонь максомать колга  
и мярьгсь организовандамс  
подписной лист лезксонь  
фондти яриаконь кочкамс.

Финсекциясь лувозе цеб-  
реньди тя предложениать.  
Секциять эса ули с ломатьне  
Курнашев, Магницкая, Хари-  
тонов, Болдова ялгатне и ли-  
ятне подписались сембец 90  
цалковайс.

Лифтьф решение подпис-  
ной листонь коряс средстве-  
м кочкамать мольфтемс секци-  
янь лия четтнень йотксонга.  
М. Т.

— 000 —

## Кочкаф 315 цалковайхть

Нят шитнень эзда Саран-  
скаень железнодорожной 31-це  
№ школыа йотафть митинг,  
конац посвященной Испания-  
са событиятненьди.

Комсомололь комитетть сек-  
ретарец Волков ялгась конк-  
ретнай примерса азондозе  
испациянь трудяйхнень мя-  
тежникинень каршес героичес-  
кай тюремасон. Сон азондо-  
зе, кода фашистской мятеж-  
никине наругайхть рабочайх-

нень авасон и идьснөн лан-  
кса. Идьтнень ляненьсазь,  
йорясазь ульця. Митингса  
примасть участие сембе пре-  
подавательхне, ученикне и  
технической служайхне, ко-  
нат фкя мяльса рашили лез-  
домс Испаниянь рабочайхнень  
идьснөнды и авасонды. Каф-  
та шиста материальной лезк-  
соньди кочкаф 315 цалко-  
вайхть.  
А. К.

Саранск ош.

## ИСПАНИЯНЬ ТЕВОНЗОНДЫ АФ ШОВОРЬКШНЕМАТЬ КОЛГА СОГЛАШЕНИЯНЬ ПРИМЕНЯНДАМАСА КИЗЕФКСНЕНЬ КОРЯС КОМИТЕТТЬ ПРЕДСЕДАТЕЛЕНЦТЫ СССР-НЬ ПРЕДСТАВИТЕЛЬТЬ ЗАЯВЛЕНИЯЦ

Октябрь 12-це шистонза  
Великобританияса СССР-ть те-  
вонзон эса повереннайсь Ка-  
ган ялгась тийсь Испаниянь  
тевонзонды аф шоворькшне-  
мать колга соглашениянть при-  
меняндамаса кизефкснень ко-  
ряс Комитетть председателен-  
цты Плимут лордти тяфтама  
заявление:

Октябрь 7-це шистонза  
тейть максф и Комитетть ме-  
кольденз заседаниясонза коч-  
ксеф монь декларациязень  
эса путф кизефксь шовор,  
мон имею честь, монь пра-  
вительствазень указаниянц ко-  
ряс, максомс Комитетти сроч-  
на ванондсмс вов мезе:

Мятежникинень оружияса  
главнай снабжениясна моли  
Португалиянь и португальскай  
порттнень пачк. Минимальнай  
и тяконь шовор йофси неот-  
ложнай меракс, штоба путомс  
пе тя снабженияти и аф шо-  
ворькшнемать колга соглаше-  
ниянь нарушандаманцты, дол-  
жен улемс португальскай порт-  
тнень мельга контролень сяда  
курок ладямась. Минь вештя-  
ма Комитетть ширьде тяфта-  
ма контролень ладяма. Минь  
мярьгснтияма путомс тя кон-  
троль мольфтемани англий-  
скай али французскай флотть  
лангс, али кафьке флоттнень  
лангс марса.

Тяфтама мерафтома, кода  
Испаниянь тевонозонды аф шо-  
ворькшнемать колга соглаше-  
ниянь нарушандаманц каршес  
минимальнай и неотложнай  
мероприятияфтома, тя согла-  
шениясь аф аныцек аф отве-  
чакшни эсь назначениянцты, а  
служай законнай испанскай  
правительствать каршес мя-  
тежникинень кяшендемакс.

Мон имею честь просить  
тинь, штоба вярэ азф пред-  
ложениятне улельхть кочк-  
сефт Комитетть маласонь за-  
седаниясонза, конань настоя-  
тельна энлядьян пуроптомс  
сяда курок.

## МАИНСКИЙ И КАГАН ЯЛГАТНЕНЬ ПЛИМУТ ЛОРДТЬ МАРХТА ВАСЕДЕМАСНА

Лондон, 14. Рейтер англий-  
скай телеграфнай агентствать  
азондомани коряс, Англияса  
СССР-ть полпредоц Майский  
ялгась и полпредствань совет-  
никсь Каган ялгась тячи ульсь  
Испаниянь тевонозонды аф шово-  
рькшнемаса кизефкснень коряс

Международнай комитетть пре-  
седателенц Плимут лордть  
ширеса иностраннай тевоно  
министерстваса.

СССР-ть полпредоц вешсь  
(просил) Плимут лордть  
ширьде сяда курок пуроптомс

Испаниянь тевонозонды аф шо-  
ворькшнемать колга согла-  
шениянь применяндамаса ки-  
зефкснень коряс Комитетть  
планарнай заседаниянц СССР-нь  
представительть октябрь 12-це  
шистонга максф заявлениянц  
ванондома.

## ЦЕБЯРЬСТА РАБОТАМАТЬ ВЕЛЬДЕ

Пакся Тавлань первичнай  
комсомольскай организацияса  
тонафнемом комсомолонь X-це  
с'ездъ решениянзон комсомо-  
лецне пустъ инголет зада-  
ча, штоба таргамс комсомолу  
передовой од ломатьтнень.  
Тяниень пиньгть велеса рабо-  
тай общеобразовательнай дис-  
циплинатнень тонафнемасон  
инкса повышенной типонь кру-  
жок. Одс примаф комсомо-  
лецненьди и аф союзнай од  
ломатьтненьди организован-  
даф политшкола, а лияды ся-  
да аноклаф комсомолецне то-

нафнихть партиять историянц  
тонафнемани инкса кружка.  
Занятиятне йотафневихть ре-  
гулярнайста. Комсомолецне  
активный участие примосихть  
сьормас аф содайхнень и сьор-  
мас кржа содайхнень тонаф-  
немасост. Платонов комсомо-  
лецсь тонафни 12 од ломатьт,  
а тяфта жа тонафни Зорькин  
комсомолецсь и лиятне. Од  
ломатьтне максихть заявле-  
ния комсомолу, 4 ломатьт ни  
примаф.

Начаркин.

Кочкуровань р-н.

— 000 —

## ИНТЕРЕСНАЯ ЛЕКЦИЯ

Октябрь 14-це шистонза  
рабфаконь студенттненьди  
журналист лекторсь Цуреф ял-  
гась „Старое и новое в тунд-  
ре“ темать коряс тийсь инте-  
реснай лекция.

Цуреф ялгась, художествен-  
най кяльса азондозе тундрань  
эряйхнень сядингольденз быт-  
сон, эк-номикасон и аф

культурнай шиснон. Лекциять  
омбоце пяльксонза азондозе  
кода синь эряйхть тани, кода  
касы культурась, техникась,  
касы высшай учебнай заведе-  
ниятнень лувкссна. Лекциять  
эзда студенттне илядсть пня  
довольнайста.

Чекашкин.

Саранск ош.

— 000 —

## Аноклайхть праздники

Минь „17 партс'езд“ колхо-  
зсонку ушедсь Октябрьскай  
праздникти анокламась. Кол-  
хозникине урядайхть куцнон  
эса, урядавихть ульцятне,  
усадьбатне, колхозть пирь-  
фец и ст. тов.

Тяда башка драмкружоксь

аноклай путомс постановка  
торжественный вечера. Тяф-  
та жа цебярьста урядави клу-  
бьска. Праздничнай вечерти  
аноклавихть морот, кштимат,  
няфтеви звуковой кинокарти-  
на.

Н.

Кочкурова.

## Тонафнесазь Пленумть решениянзон

Мокшэрзянь педтехникумонь  
комсомолецне (Саранск ош)  
кармасть тонафнема ВЛКСМ-нь  
ЦК-ть 2-це Пленумонц реше-  
ниянзон эса.

Ф. Галкин.

— 000 —

Кочкуровань ВЛКСМ-нь рай-  
комсь райактивть эзда пер-  
вичнай организациятненьди  
кучсь 15 комсомолецт, конат  
первичнай организацият-  
неньди кармайхть лездом  
ВЛКСМ-нь ЦК-ть 2-це Плену-  
монц решениянзон тонафне-  
маса.

В. Н.

— 000 —

## АНОКЛАТАМА ПОДАРКАТ

Минь отрядсонк сембе пи-  
онерхне лувозь Советонь  
С'езди подаркань анокламать  
колга артековец-пионерхнень  
сьормасон. Артековецнень  
инициативасон фатязь сембе  
пионерхне и ушедсть подар-  
кань аноклама.

Мигачевсь тии планеронь  
модель; Кушковсь тии пара-  
ходонь модель; Казаковсь  
рисовандасы Сталин ялгать  
портретонц. А тяфта жа ано-  
клайхть подаркат отрядста сем-  
бе пионерхне.

А. Кульманский.

Саранск 4-це № школа.



# МОКШЭРЗЯНЬ АССР-НЬ КОНСТИТУЦИЯТЬ ПРОЕКТОНЦЫ

Н. СУРДИН

МАССР-НЬ ЦИК-ТЬ  
ПРЕДСЕДАТЕЛЕЦ

Пролетарской революция победанц мархта, Советонь странань рабочая классь Ленинонь—Сталинонь партианц руководстванц ала макссь великой Советской Союзонь трудяйненьди счастливый и культурный эряф, кона ульсь меч так человечествань инь цебярь уйтеньди. Партиянь, рабочая классь и минь социалистической родинанеконь сембе трудяензон огромный завоеваниясна социализмань странань эса тисть коренной изменений кода экономикать эса, станя и классовой вийхень соотношениясо. Советской Союзонь народне аравь равнайкс и свободнайкс. „История эса васеньцеда ульсь юксф инь стака скулось, разрешандаф капитализмат пингста аф разрешандави национальной кизефксь“).

Кда Октябрьской революцияда инголе—Мокшэрзянь трудяйс ащемонок оязоронь деспотия гнетонц ала, помещикнень и монастырхнень эксплуатацияснон ала немог мярьгомс, што сонь ули мялец арамс ломанькс, то тани—сон свободной гражданин, классфтома социалистической обществань строитель. Мокшэрзянь Автономной Советской Социалистической Республикась СССР-нь народтнень мархта дружбаса кемокнесы великой социалистической странат, кемокнесы и эсь автономиянь.

МАССР-нь Конституциять примаманц карша минь гордость мархта можем азомс республикать народно-хозяйственной эряфсонза сатфкнень колга, конатнень мордовиянь трудяйхне коммунистической партиять и народтнень вождьснон Сталин ялгать руководстванц ала сатозь. Прокс одукс строясь эсь социалистической промышленностьснон. Кда революцияда инголе Мордовияса ашель пятай кодамовок промышленность несколько афодька спиритоводочнай и пенько-трелальной заведениада башка, конат ульсь помещикнень и кулакнень,—то тани Мордовиясь, йордамок эсь лангстонза вековой отсталость и средневековиянь обличиять, шарфць Автономной Советской Социалистической Республикакс, ксаа строяфт и строявхть одзав дт и предприятия.

Вельхоз гріелень сталинской уставть вельде политически и организационно хозяйственно кемокстайхть колхозне конатнень мархта фатяфт крестьянкая хозяйстванень 82 процентта ламосна.

Колхозне получить модать вечной пользования максоманц колга государственной акт. Партиясь и Сталин ялгась абеспечендазь трудяйнень модать ингса многовековой тюремаснон аделаманц.

Инголе 130 тьожатть крестьянкая сокот норгсесть и колсесть модать эса, тани Мордовиять социалистической паксанзон лангса работайхть 2058 тракторхт, 70 комбайнат и лама лия сложной вельхозмашинат.

Тя сембе макссь возможность социалистической агротехникать сяда курокона внедрен-

ияныц, сире мокшэрзянь вельде фталу лядоманц сяда вишкста машфтоманцы, полафтомок юрнек сонь бытовой укладонц, лиякс шарфтомок ломатнень сознанийснон и психологияснон. Республика сонок колхозне и совхозне тонафцть ни сядот и тьожатть трудонь од организаторхт, социалистической строительствань энтузиаст—стахановец.

МАССР-нь трудяйхне ленинско-сталинской национальной политикать неуклонная эряфс йотафтомань вельде сатозь национальной формас коря социалистической содержания коря культураснон паявари вастс кеподеманц. Инголе таниень Мордовиянь сембе населениять йоткса грамотность ульсь аныцек 23 процентт, мокшэрзянень йоткса—12 проц., а мокшэрзянь аватнень йоткса—4 процентт. Тани жа МАССР-нь трудяйнень йоткса грамотность пачкоць 94 процент.

Мордовияса экономической и культурной эряфонь ширьде сатф сатфксне касфцть прекраснай кадрат, од ломатть, сяка лувксть эса кассь мокшэрзянь аваскья. Инголендъ забытай, темнай мокшэрзянь авась тани аравь обществань полноценной и равноправной членкс, активнайста участвовандай социалистической строительствань сембе отраслянь эса.

Активной участия примси авась государствань управления. Таниень пингть Мордовияса вельсоветонь председателькс авада работай—51, Мокшэрзянь Республикань ЦИК-нь членда—авада 31, и СССР-нь ЦИК-са национальность советса фкя член. Сембе ня сатфксне мусазь синьценъ реальной выраженияснон МАССР-нь Конституциять проекта.

Сталинская Конституцияса корхтати, што: „эрь автономной республикать ули сонценъ Конституция, кона луводсь не республикать особенностей зон и тиф Союзной Республикань Конституциять мархта полной соответствиясь“).

Мокшэрзянь АССР-сь Союзной республикати неразрывной паялксекс ащемонок эсь победанзон не может явшнекс сембе Союзть победанзон эзда. Мордовиянь трудяйхне яснайста нийсазь, што: „С-Союзть победанза—социалистической странань сембе великой народть победанза, а таста лисенди, што и Мокшэрзянь республикань народтькя. Таста МАССР-нь Конституциять статьяна, конат установивдакшнесазь государственной и общественной устройствоват, граждатнень праваснон и обязанностьснон, судть и прокуратурат и ст. т., тиенде-вхить СССР-нь и РСФСР-нь Конституциять проекта Мокшэрзянь Автономной Советской Социалистической Республикати национальной особенностензон лувомаснон мархта.

МАССР-нь Конституцияса ули азф, што Мокшэрзянь Республикась лия автономной республикатнень, крайнень и областнень мархта равнайста, конат сувхить РСФСР-ти,

ащи РСФСР-ти паялксекс, установивдакшни эсь Конституциянь—эсь закононц СССР-нь и РСФСР-нь Конституциять полной соответствиясь и Советской Социалистической автономиять коряс йотафнесы эряфс сонценъ государственной существованиянь.

Эряви башка азомс Ленин и Сталин ялгатнень указанийснон сян колга, што Конституция эряфс йотафтоманц эса исключительно великой роль должен вятмс (играть) государственной аппараты, кона призванной партиять и правительствать волянь эряфс йотафтома, синь путфкснон и директиваснон эряфс йотафнема. Сонць государствась—пролетариатть диктатура—тя капиталть машфтома и социализмат окончательнай победань сатомаса пролетариатть и крестьянствань трудяй массатнень классовой союзсна.

Ленинонь—Сталинонь партиясна атак сизьсек работась государственной тьяфтома аппаратынь тиенаса, конат сондолхне ба власть советнень вельде рабочаень и крестьянонь миллионной массатнень мархта и конань эса эрьсотрудниксь народти преданайста и честнайста служамок, вятель ба большевистской тюрема разгильдяйствать, мелкобуржуазнай распушенность, бюрократизмат каршес, государственной высокой дисциплинарь инкса, Советской Союзонь гражданинтть праванзон правильнайста эряфс йотафтомаснон инкса ст. т. Мокшэрзянь АССР-ть хозяйственной, политической и культурной ширьде громадной касомац путни кизефкс колма од наркоматонь организовадмат колга: Пищевой промышленности наркомат, вирень промышленности наркомат и внутренней тевонь наркомат. Мокшэрзянь республикаса таниень пингть улихть пищевой промышленности 24 предприятия, конат эрь кизоня максихть продукциянь все касы размер, каподьксонди, 1928-це кизоня пищевой промышленности предприятия макссесть продукция да 1856 тьожатть цалковаень питне; 1932-це кизоня валовой продукциясь пачкодсь 5207 тьожатть цалковаень питне; 1935-це кизоня выпускаемая продукциянь стоимость лувондовсь 16466 тьожатть цалковахть и 1936-це кизоня валовой продукциянь стоимость пачкодсь 18 миллионт цалковайс. Арси сембе ширьде шарьхкодевикс, што сембе ня предприятияне вехихть ою оперативной руководства, эрь шинь практической лезкс, конат сяда цебярства ули абеспечендаф Пищевой промышленности наркоматть организовадманц мархта Мордовияса лувондови 505274 гектархт вирь. Тянь мархта, што лама кизот вятевсь вирень материалонь разработкат и башка участкнень лангса ня разработкат не ульсь организовадф сяшкава калдывста, што вирень громадной массивне пач-

фтьфт исключительно стака положениясь—истощеннайхть—ня участкненьди тани эряви примамс исключительной мерат сян инкса, штоба ти емс большевистской порядок, восстановивдамс вирень массивть и организовадмат лесокультурнай работат и ст. т. Сембе ня мероприятияне вехихть тьяфтома организация, конат ба практически, эрьшина вятель руководства аф аныцек лесоразработкатнень эса, но и вирень массивнень восстановивдамаса культурнай лесоснабжения вельде, разработкатнень пингста строгой плановость вельде и ст. т. Вирень промышленности од Наркоматть учсесазь громадной работат, конат могут улемс абеспечендиф эста, мязрда тев и кярмодихть сембе и партийнай и советской и хозяйственной организацияне и синь трудяень массатне.

МАССР-нь Конституцияти сембе ня добавленияда башка арьсеви райоттнень йом лалгафтомаснон инкса организовадматс кафека од райотт: Ладский, Вертелимонь, Пурдошкянь, С. Сендровонь, Ширингушенъ, Козловкань, Атюревонь и Казенно-Майданский.

Ня од райоттнень организовадматсн вешендеви МАССР-нь трудяйхнень синьценъ активностьснон громаднайста касомаснон мархта, велеса синь политической сознанияснон, культурнай шиснон касоманц мархта и районной руководствать вастненьди сяда маладкстоманц эрявиксонц мархта, сян инкса, штоба сяда лаукас содамс аф аныцек райоттть общественной хозяйственной-политической состояниянь, но ломатненьгя.

МАССР-нь Конституциять проектонза особа должен улемс няфтьф образования граждатнень правасна. Мокшэрзянь АССР-сь, аделамок вековой отсталость, прошлой пингть эзда афграмотнайста тани грси культурнай республикакс, школань и лия культурнай учреждениань келисеть мархта: социалистической культурань кудт, театрат, кинот и ст. тов. Конституциянь проектть эса тьяфтажа арьсеви няфтемс роднай кяльса печатть колга, национальной разрекса народно-хозяйственной учетть организовадманц и лама лия моментнень колга—кода Мокшэрзянь и рузонь кяльса судопроизводствать вятемац, ня кяльхнень эса аф шарьхкоди ломатнень тевть материалонзон мархта полнойста знакомондамаць абеспечендамаць переводчик вельде, а тьяфтажа судаса родной кяльса корхтамань правась и ст. тов.

Конституциянь проектть все-народной обсуждениях лихть Мордовиянь советтнень, и сембе трудяйхнень ширьде ою активность, кепозе ою вастс критикать и самокритикать. Таста характернайкс ащи Дубенкань районца Петр Семенович Ледайкинь ялгать пуромксса выступления, сон азозе:

„Теень 58 кизот и мон лау шарьхкодсь мезе стамс сире законць и мезе стамсь минь Советской законцьке—

сталинской Конституциясь. Батрачить мон кармань 13 кизоста савомок. Работань мон предпринимательхнень, помещикнень и кулакнень ширеса. Сембе синь фкя меркасот. Педа-пес аф тийсак—затылкати и штраф, тийсак лау сякокс аф лувзай цебяреньди и мезень тьяфтамсь эряф ульсь. И вага, ялгат, страшна нльня арьсемс политической бандитне Троцкайсь, Зиновьевсь, Каменевсь и синь лия ялгасна йорасть лишандамс минь Сталин ялгать эзда, йорасть мрдафтомс сире эряфть. Синь юкстазь, што лайхне мекелангт аф шудихть. Юкстазь, што партиять и советской властть мархта Сталин ялгать руководстванц ала тиф тийнекс всяла эряфсь“.

Колхозникть Урушкин Павелть выступления, конат ответнай пуромксса сталинской Конституциянь проектть обсуждениях пингста эсь выступлениясонза азозе:

„Мон эрян 65 кизот и советской властта инголе цебярь мезевон изень най. Тяни эрян мон—радовандакшнян аф марясан, што теень-ни 66-це кизось моли. Аф ваномок эсь преклонной кизонень лангс колхозса работан лиятнень мархта фкакс, эсь призень маряса бодрайкс, старандань родной Советской властти. Монь бодрай и цебяр эряф шизень максозе большевикок коммунистической партиясь и минь дорогой Иосиф Виссарионович Сталиноньке“.

Аф корхтамок лия моментнень колга, конат республикать национальной особенностензон лувозь безусловна сувайхть Конституцияти эряви аныцек башка лятфтамс, што МАССР-нь Конституцияти трудяйхнень интереснон коряс и Октябрьской революциять завоеваниянзон ванфтомаснон ингса, МАССР-нь трудяйхне специальной пунктс сьормасазь Мокшэрзянь республикань эрь гражданинтть священнойшай обязанностьнень колга—Октябрьской революциять завоеваниянзон кемокстамаснон и арелямаснон, социалистической родинать ареляманц, коса аш сяда паяк класс явондомат, а улихть трудяй рабочайхть, колхозникт и интеллигенция, кочат беспредельнайста преданнайхть советской властти и анокт любовай минутаст эсь мяштсьнон мархта арелямс вратнень эзда минь прекраснай родинанеконь.

Йотафтомок эряфс ленинско-сталинской национальной политикать, сяда вариная кеподемок советской демократиять, Мокшэрзянь трудяйхне троцкистско-зиновьевской контрреволюционной террористической блокть, фашистской охранкань диверсантнень и шпиоттнень подлай вылазкаснон каршес отвечайхть сталинской Конституциять вельде нингя коммунистической партиять и минь кельгома Сталин ялганеконь перффа сяда ою сплоченияса Ленинонь—Сталинонь великой тевснон—коммунистической обществать строяманц эряфс йотафтоманц ингса.



# ОД ЛОМАНЕНЬ МИТИНГ МАДРИДСА

## АЛЬВАРЕС ДЕЛЬ ВАЙОНЬ ВЫСТУПЛЕНИЯЦ

Мадрид, октябрь 13-це шиста ТАСС-нь (специальной корреспондентс).

Испаниянь объединенной социалистической од ломанень федерациясь, конань составонза сувихть коммунистической и социалистической од ломанень, организован дась Мадридса од ломанень грандиозной митинг, посвященной столицать ареляманцты.

Митингсь йотафтоль ошень фкя инь сембеда оцю закрытай помещениясь и йотась пяк оцю под'ем мархта. Лия ораторхень йоткса корхтам лисеньдсть объединенной социалистической од ломанень федерациять генеральной секретарец Сантьяго Карильос, объединенной социалистической од ломанень Мадридской обкомть секретарец Арканадась, стирьняньень эзда—Антониа Санчессь и лиятне.

Карильос эсь корхтамасонза шарфтсь оцю мяль лезксть лангс, кона максееви Советской трудяйхень ширьде испанский аватьненьди и идьтненьди, а тяфта жа советской представительть за явленияц лангс, конань сон азозе Испаниять тевонзонды аф шьоворкшнемань кизефкшень колга лондонской комитетти. Советской Союзть колга эрь лятфтамась тиеньдсь залса овациянь буря.

„Испанский аватьне! Должеть полафтомс тылса алятьнень, конат тусть тюрема,—корхтай эсь речсонза Антониа Санчессь.—Тяфта эсь пингстонза тийсть советской аватьне. Тяфта должеть тиес тияи Испаниянь аватьне, што-ба сатомс окончательной победать.“

Митингть аделавома пясестонза залса эвондась иностранный тевонь министр Альварес дель Вайос. Дель Вайос азсь аф оцю, необычайна сильнай речь, кона кадсь пяк оцю впечатление.

—Мон,—ушедсь дель Вайос,—сань теенгть кода кунардонь социалистической борей. Иностранной тевонь министр илядсь кенкшнень фталу. Тя залти сувась Мадридонь социалист, кона озадчендаф столицать судьбанц мархта и пашькодьф решимостьта корхтамс аф кялечьямань кяльса, а правдась кяльса, хотя ба и горькай правдась кяльса. Мархтонть корхтай ломань, кона увереннай сян эса, што Мадридсь ули неприступнай, кда Мадридонь народсь кемоста путсы мяльс арелямс свободань и революциянь ошть. Но улель ба преступна васькафть Мадридонь рабочий класс—аф ваномок партийнай али проф. оюзнай принадлежность лангс—кда кяшеньдемс тя стака частста правдась али кяшеньдемс кодама-кодама пламенной риторикань алу оцю тревогать, кона люпштай монь эсон и конань мон йоран азомс тинь эздонт кажнайти.

Мон азса теенть видест, што тяфта, кода улель тя пингс сяда тов тяфта улемс не может. Мадридсь—фашистской мятежникинь основ-

ной цельсна. Но сакя жа пингть—тя пункт, конань лангс вань сембе международной пролетариатсь. Посуществу частста, мзярда решандакшневихть Испаниять судьбанза мирса эрь свободнай ломаньць ащи Мадридонь гражданиксь. Парижской народной массатьне, конат приветствовандасазь антифашистской Испаниять, англиянь рабочайхне, сяда ичкоздень странань трудяйхне—тя сембе ломанень грандиозной массась эряй минь тюреманьконь мархта и эрь частоня вань Мадридть судьбанц мельгя.

Аф кунара мон, улемок Испаниять пределонзон омбокса, васедькшнень минь столицаньконь судьбанцты тя пламенной интересь мархта. Ялан, мзярда монь кие-кие кизефнелемань может ли улемс сывф Мадридсь, мон ответсень: „Аф“, кода ломань, кона пштай ангордаф эсь революционной честьсонза.

Тинь ули праванте вешемс правительствать ширьде, кона лиссь тинь рядонтьне эзда, оборонань стама политика, конанцты ба тапавольхть пулькс Мадридть савомонза тяряфнематьне. Однако, Мадридть арелямац ламода зависит тинь йоткстонть кажнайти эзда. Тинь лангзонть прашенды вельф оцю ответственность. Арелякшнемс столицать—значит арелякшнемс минь эряфоньконь, минь аваньконь и иденьконь эряфсон. Юмафтомс Мадридть—означал ба васькафтомс миллиотт рабочайхнень надеждасон, конат хоть и ашет рядок мархтоньт но сембе сакя тюрихть марса тинь мархтонть ся политикать каршес, кона волендаф тинь каршезонть, и аф корхнихть (нерасуждают) сян колга, неделяшиня али понеделникста сашендови теест ли грузямс парохолу тейнек продовольствия. Сяда башка, содасть: тевсь моли кажнайти тинь эздонть эряфонц колга.

Врагсь аф содай пощадь. Сон сочетандакшнесы физи-

ческой истребления издевательствать мархта. Однако дисциплинированной и пильге лангс стяфть Мадридсь, Мадридсь, конань эса эрь рабочайсь пашькочнесы эси долгонц, Мадридсь, конань эса аш группировкань мелкай соперничества и кона подчиняндакшни эсь правительстванцты и командованиянцты,—тяфтама Мадридсь действительна неприступнай.

—Векта лама пингга инголе,—корхтай дель Вайос,—Мадридсь машть отбить атакатьнень и вельхтызе эсь лемонц мировой славаса. Эста тя улель Мадридонь народсь, конац путозе (решил) срафтомс иностранный войскачнень, конатнень поддерживали королевской предательхне. Но эстонь Мадридса ашель нинге организованной пролетариат—класс, кона увереннай эсь исторической судьбасонза. Мадридонь народть ашель эста сознанияц, што сон ковандакшни од Испания. Ашель эста аф социалистической, аф коммунистической партия, аф объединенной социалистической од ломанень федерация, аф миллиотт рабочайхть сембе мирса—реакциянь и фашизмать каршес тя решающей тюремаса минь духовнай союзниконьке.

Катк ина явондай тя Мадридсь, конань эса минь учтама, катк сон лятфгасы Парижской Коммунаць тюреманц, катк лятфгасы, кода славнай петроградской пролетариатсь сязозе штурмаса зимний дворецть!

Мадридсь арай фашизмати калмокс! Но тя ули анычек ся условиясь, што кажнайсь тинь эздонть ули анокс савомс али ружья, али кирка и кшнинь кайме, штоба шувомс фашизмат тя калмось. Тя лозунгть мельгя: „Минь аф-нолдасакь фашистнень“—должеть модемс тефт. Вярде и алу модемс мобилизовандаф, грозной и аф сяськови Мадрид, инголи, врагть каршес! Ламос, бурнай авация мархта митингонь участникине васьфтезе дель Вайо-ть призывонц.

## ШКОЛАСЬ РАДИОФИЦИРОВАННАИ

Саранскаень 31-це № железнодорожной школы директоронц Печенин ялгать инициативанц коряс рамаф радионь аппарат (оцю приемник), конанц мархта радиофицированнайхть школу сембе кабинетонза. Тя аппарат вельде ученикне кулценкшнесазь радиоценкшнихть аф анычек лия ошень радиостанциятнень эса, но ученикне кулценкшнесазь кабинеттнень эса эсь школьной передачасон. Ученикне

выступандакшнихть и няфнесазь эсь самостоятельностьсон эсь радиоаппаратсон вельде.

Тяда башка оцю перемена йоткова 12 частса эрь группань ученикне эсь кабинеткаст кулценкшнесазь радио вельде мекольдень известиятнень. Пяк сцю интереса ваныхть ученикне Испаниясь событиятнень мельгя.

Д—в

## Лездыхть подшефнай колхозти

Мокшэрзянь педтехникумонь студенттне оцю работа йотафнихть „Путь Ленина“ подшефнай колхозосот. Подшефнай колхозса студенттне колхозникненьди тиеньдихть докладт всякий лаца темань ко-

ряс. Октябрьской революциять годовщинацты подшефнай колхозу аноклави пьеса и аноклай прят агитгруппась.

Н. В.



Октябрь 7-це шистонза Н. К. Крупская ялгась Наркомпроса примазе Московской областень Ленинский районь тонафнихнень и предприятиянь представительхнень делегациясон, конат азондозь съормас афсодамать машфтомаса работать молеманц.

СНИМКАСА: Н. К. Крупская ялгась корхни Московской областень Ленинский районань делегациять мархта.

Фотось Сабельниковань (союзфото).

## КЕЛЬКСАИНЕ ИДЬТНЕНЬ, КЕЛЬКСА МАРХТОСТ РАБОТАМАТЬКЯ

Мон пионерской работаса работань ни ламос и тя работаса монь ули сатомшка опытозевон. Мон кельксаине идьтнень и келькса мархтоост работамазеньгя. И мон арьсян, кда любой вожатайсь кельксине идьтнень, кармай кельгемонза синь мархтоост работать и кда кармай тонафнема тя работати, эста сонь отрядсонзонга работась ули цебарь, интереснай идьтневок кармайхть сонь кельгемонза.

Мон карман азондома сян колга, кода мон ушедьне работать пионерской отрядсон. Ушедомок тонафнемань од кизось, мон эсь отрядсон йотафтонь организационнай работа. Отрядть явоштыне звенава пионерхнень желаниясон коряс, кочкаме отрядонь советонь председатель класстайн опытной ученикть, кочкаме отряднай стенной газетати редколлегия и редактор.

Мон пуроптонь пионерской актив. И тяда меле работазе тусь тьождасть.

Васендакигя мон арьсекшнень сян колга, а кода сяда цебарьста, красочнайста и интереснайста организовандам звеньевой и отряднай сборхнень йотафнемасон? И мон пачкодень стама мяльс, штоба сборхненьди тернемс летчикт, стахановецт, гражданской войнань участникт, партизант, писательхть и лия знатнай ломатть. И тьянь мон йотафнема эряфс. Тяда башка оцю интереса монь пионерне аноклакшнихть сборхненьди выступленияц всякой лаца, дикломиацият, инсценировкак и всякай лаца интереснай выступления. Монь отрядсон сборхне арасть настоящай праздничкокс Синь йотнихть пяк веселяста и интереснайста. Сборса пионерхне няфнесазь сембе таланцон, сембе самостоятельностьсон и тьянь мархта сборхневок йотнихть пяк веселяста.

Монь отрядстон звенатневок работайхть аф калдываста. Синь работайхть планонь коряс, конац отражандакшнесы-

не пионерхнень интересон и вешфксон. Сборхнень эса, кода отряднайхнень, а стая и звеньевойхнень эса йотафневихть беседат всякай лаца интереснай темань коряс. Отряднай сборхт мон йотафния ковти весть, а звеньевой сборхне йотафневихть ковти колмокссть.

Тяниень пингть отрядсь вишкста аноклай Советонь VIII-це Сембессюзной С'ездти. Сембе пионерхне аноклайхть подаркат и эрь пионерсь старандай кодаба сяда цебарьста васьфтемс С'ездть. Инь цебарь минь подарканьне кармай улема тонафнемаса отличникнень лувксон касфтомасна. Монь отрядозе йотафты специальной сбор, конац посвященный Советонь VIII-це С'ездти. Монь отрядозе С'ездонь шити аноклай йотафтомс отряднай балмаскарад, конанц эса няфтевихть разлличнай эпохань геройхне. Монь отрядстонзвеньевой вожатайхне сьормачникхть дневникт звенать работанц колга, отрядть председателец сьормачни дневник отрядть работанц колга.

С'ездть панжема шистонза школань пионерской организациясь йотафты пионерской костер, конаньди монь отрядсон пионерхне йотафнихть оцю аноклама работа. А тяфтажа ули организовандаф школаса пионерской подаркань выставка.

Саранскаень 31-це железнодорожной школы Воросиловть лемса 5-це № пионеротрядть вожатаец КОЛЯ РАССТЕГАЕВ.

## Петя и Матвей соревнундайхть

Карин Матвей и Цыбусов Петя тонафнихть напольнай тавлань афполнай средняй школань 7-це класса. Синь йотай кизотькя тонафнесть отличнайста и тя тонафнема кизоткя соревнундайхть отличнайста тонафнеманкса. Н. Кочкуровань р—н.



## РАБОТАСЬ КАДФ ЭСЬ ОТАМ МОЛЕМАТИ

Минь Мокшэрзянь республикасонок физкультурань и спортонь тефнень колга районнай советне идьтнень йоткса физкультурнай работать ладямань колга ты пингсниньга работайхть калдывста.

Тя няеви саны эзда, што 1936 кизонь контрольной цифрать коряс республикаты келес эриволь анокламс 1502 ломатят БГТО нь значкист. Но видекс, кда ащи тевсь контрольной цифрать пашкодемаса? Результатне пях калдыфт. Октябрть 1 це шинь самс физкультурань и спортонь тефнень колга высшай советь сведенияшонь коряс, аноклаф аныцек БГТО-нь 469 значкист.

Физкультурань и спортонь тефнень колга районнай советне ты пингс ниньга ашезь шарьхкодь идьтнень йоткса физкультурнай работать эривихь шинь.

Улихть райотт, конат ниньга ты работать колга физкультурань и спортонь тефнень колга высшай совети кодамавок сведенияш ашезь макс. (Торбеевась, Кадошкинась, Шайговась, Ельниковась, Теньгушевась и Березникись). А кда тыфта, то можна тиесм вывод, што нят райоттнень эс идьтнень йоткса физкультурнай работась каДФ эсь отям молемати, а организо-

ванной работа кодамовок аф йотафнихть.

А кода ащи тевсь лия райоттнень эса? Станя жа пях калдывста. Дубенкань районти 1936 кизоньди контрольной цифрась максф анокламс 120 БГТО-нь значкист, а аноклаф ниньга аныцек 2 ломатят; Ромоданованнети 140 ломатят, аноклаф аныцек 3 ломатят; Исараннети 175 ломатят, аноклаф аныцек 2 ломатят; Слобданнети 160 ломатят, аноклаф 2 ломатят. И тыфта жа калдывста ащи тевсь лия райоттнень эсовок. Республикаты келес флявок район ашезе пашкодь контрольной цифранц БГТО-нь значкистонь анокламаса. Но аф аныцек райоттнень эса калдывста ащи тевсь ты работась, сон и калдывста ащи республикаты центрасонга — Саранскайса, кода должен улесм сембеда цебарьста ладьяф работась. Саранскайты контрольной цифрать коряс эриволь анокламс 1936 кизоня БГТО-нь 890 значкист, а аноклаф аныцек БГТО-нь 62 значкист. А вдь таса непосредственно руководит физкультурань и спортонь тефнень колга высшай советь. Саранскайты ты пях и пях позорнай цифрась. Физкультурань и спортонь тефнень колга высшай совети ты прорывсь эриви машфтомс.

Дуйков.

## Мордовиянь шахматисттне молихть Куйбышеву

Октябрть 16-це шистонза аделавсь республиканской колхознай шахматнай турнирсь республикаса первенствать сявоманц инкса. Победителькс республиканской шахматнай турнира лисеть Горбунов Н. С. (Ичалкань р-н, Кировть лемса колхоз); Кузин комсомолець (Исарань р-н, Сталинть лемса колхоза);

Пропустинь ялгась (Кадошкина р-н, Сталинть лемса колхоза). Колмицке победительне физкультурань и спортонь тефнень колга высшай советь решенияш коряс кучевихть Куйбышеву краевой колхознай шахматнай турниру.

Купер.

## Клубти ремонтть афи ушедкшнесь

Каргал велеса ули клуб, но эриви азомс, што клубсь пях цебарь и кивок сонь лангзонза кадамовок мяль аф шарфни. Клубсь ты пингс ащи апак ремонтировандак. Аш флявок галанка, клубсь кольги, аш белядаф.

Колхознай од ломатятне ламоксть корхнесь вельсоветь председатели Балашев и марстонь пуромкса и тыфтак, но Балашевсь тынь мялс вшезе сявоньдя. Лиякс азомс, Балашевсь аф кельксы културно-массовой работать и шьорси сонь организовадманцты.

И. Паршин.

Зубунь р-н.

## 65 кизоса ударник

Каргин Яковти курок тополи 65 киза. Сон Пакся Тавласа лувондови инь цебарь колхозникос. Сувамок колхозу васень организовадманцты, сон ударнайста кармась работама колхознай производстваса. Каргин ялгась прани марясы ниньга одста. И колхозса лувондови инь цебарь ударникос. И Каргин ялгась, ингольдень батраксь, колхозса кармась эрива зажиточнай ста.

Кочкуровань р-н.  
17-й парт'езд колхоза

Начваяк.

## ПРИМОСЕВИ ПОДПИСКА ШИ ВЕЛЬФ ЛИСЕНЬДИ

### „КОМСОМОЛОНЬ ВАЙГЯЛЬ“

Республиканской комсомольской газетать лангс

ГАЗЕТАТЬ ПИТНЕЦ:

1 ковс—60 трьошнект, 3 ковс 1 ц. 80 трьошн,  
6 ков—3 цалк. 60 трьошн, 1 киз. 7 цел. 20 тр.

Подписать примсезазь сембе почтовой отделениятне, сьормань каннихне

1—5

## ПРИМОСЕВИ ПОДПИСКА

ЭРЬ ШИНЯ ЛИСЕНЬДИ

### „МОКШЕНЬ ПРАВДА“

Республиканской газетать лангс

ГАЗЕТАТЬ ПИТНЕЦ:

1 ковс—1 цалк. 25 трьошн., 3 ковс—3 цал. 75 трьошн.,  
6 ковс—7 цалк. 50 трьошн., 1 кизос—15 цалковайхть.

Подписать примсезазь сембе почтовой отделениятне, сьормань каннихне

1—5

## ИСПАНИЯСА ВОЕННО-ФАШИСТСКАИ МЯТЕЖСЬ

### ФРОНТНЕНЬ ЭСА ПОЛОЖЕНИЯСЬ

Мадрид. Октябрть 16 це шинь илядень официальной сводкаты коряс севернай и северо-восточнай фронтть восточнай и центральной районзон эса правительственной частьне несколько пунктса шаштсть инголи.

Овиедоса правительственной частьне, наступлениянь вьтезь занязь гражданской управлениянь и „Авансе“ газетать зданияснон и муниципалитетонь зданиять. Пелайоть казарманза, Овиедоса мятежникинь сопротивленияснон центрэц, вишкста бомбардировандавихть правительственной артиллериять мархта.

Арагонскай фронтса Пуэрто Алькуьерреть эзда юг шири (Сарагоссаты эзда восток шири) районца мрдафтф противникть атакац. Барбастроть секторса (Уэскить эзда восток шири) народнай милициянь отрядтне занязь 6 вершинац, конат тиеньдихть эсь эздост удобнай позиция сядат тов наступлениянь вьтемс. Мятежникине юмафтсь эсь йоткост шавфста сядода лама ломань.

Тардиенте участка (Уэскить эзда юго-восток шири) правительственной частьне тусть инголи, фатясть кафта орудият, пулеметт, винтовкат и сисем пленнайхть.

Привительственной частьнень мархта мрдафтф (отражена) мятежникинь попыткасна ятиесм инголи Олиас—Баргас районца. Правительственной авиациясь бомбардировандазень ты районца мятежникинь сембе позицияс нон.

Лия фронтнень эса аш кодамовок переменат.



### Испанияса военно-фашистской мятежти

СНИМКАСА: правительственной войскань лейтенантьс—Педро Молино няфти боецненьди ки, конань эзга теест эриви модемс няфтьф позицияти.

Союзфото.

### Кабальерось—Испанскай республикаты вооруженнай виензон верховнай главнокомандующайсна

Париж. Министрань испанскай советь председатели Ларго Кабальерось назначендаф республиканскай Испаниять сембе вооруженнай виензон лангс верховнай главнокомандующайск. Тийф военнай комиссариат, конань задачазонза сувси—кирьдемс

(обеспечить) соткс командованиятьнень и боецень массатьнень йоткса, а тыфта жа вьтемс (тиесм) политическай контроль армияса. Ты мекпальдень задачат пашксьдемац путф иностраннай тевонь министрть Альварес дель Вайоть лангс.

### КОММУНАРТЬ ГЕРОИЧЕСКАИ КУЛОМАЦ

Мадрид. Испаниянь печатсь пачьфни потрясаящай подробность Мелильяса (Испанскай Мароккоса) фашистской террорть колга. Казнендаматне тоса тиеньдевихть публична вастонь аристократияста „конекнень“ ингольде. Тыфта кепотьксоньди, ульсь льяцьф трудовой конфликтонь арбитражнай судть секретарец коммунистсь Вильясиарась мзярда осужденнайть вьтезь казнендама вастти, сон ювадсь:

„Шумбра улеза коммунизмась! Эста „конакне“ вешеть разрешение офицерть кядьста тиесм Вильясиарасть лангса самосуд. Разрешениясь любезна ульсь максф, и „конакне“ ушедеть пиксмонза эсь жертваснон кевса. Вярпотмоса, шамацка аф содави Вильясиарась мусь нинге эсь эсонза вий ювадемс: Шумбра улеза Советскай Союзсь—сембе миронь трудящайхнень отечествасна“.

Отв. редакторть инкса И. С. РОДИН

## УШЕДСТЬ ПРИМАМА

Зубунь педтехникумса начальнай школань учителень анокламаса

### КИЗА КУВАЛМОНЬ КУРСНЕНЬДИ

КУРСНЕНЬДИ ПРИМСЕВИХТЬ: национальностьс коря—мокшет, конатнень образованиясна аф полной средней школань об'емса и конатнень аш сатомшка подготовкасна и васендакия аттестационнай комиссиять мархта школьный работаста валхтфне.

Курсаттненьди макссези стипендия 50—90 цалковайхть кошти.

Курсне работама ушедьхть 1936-це кизонь ноябрть 1 це шистонза.

Курсантти эриви мархгонза сявомс постельнай принадлежность и паспорт.

Примамать колга кизефкснень коряс обрадандакшнемс ст. Зубово Поляна, МАССР, Ленинская железная дорога—Педтехникум.

Директорсь СУРДИН.

Уполномоч главлито № Д—832. Заказ № 3594. Тираж 1813

Саранск типография „Красный Октябрь“ Мордгиз